

Irmungip Imartaani ikerinnaasiortunik suluppaagarniarnermi usinik nuussisarnerup inerteqqutaanera pillugu Namminersorlutik Oqartussat nalunaarutaat

Aalisarneq pillugu Inatsisartut inatsisaanni nr. 18-imi 31. oktober 1996-imeersumi, kingullerpaamik Inatsisartut inatsisaatigut nr. 17, 3. december 2009-imi allanngortinneqarsimasumi, § 12, imm. 3, § 23, imm. 1, § 26 aamma § 33 naapertorlugin, aalajangersarneqarput:

Kapitali 1

Aalisarnissamut inerteqqut

§ 1. Uunga nalunaarummut ilangussaq 1-imi nunap assingani sumiiffinni kalaallit aalisariutaat aalisaqqusaanngillat.

Kapitali 2

Irmungip Imartaani suluppaakkanik ikerinnaasiortunik aalisarnermi usinik nuussisarneq aamma angallatinut pilersuisarneq ikorsiissuteqartarnerlu inerteqqutaapput

§ 2. Suluppaakkanik ikerinnaasiortunik (*Sebastes mentella*) Irmungip Imartaaneersunik kalaallillu oqartussaaffineersunik killeqartinneqartunit usinik nuussisarneq inerteqqutaavvoq. Kalaallit aalisariutaat aamma imartani Kalaallit Nunaata oqartussaaffigisaasa avataaniittuni ikerinnaasiortunik suluppaagarniarnermi usinik taamatut nuussinikkut pissarsinissaat inerteqqutaavvoq.

Imm. 2. Kalaallit aalisariutaasa aalisariutinut ikerinnaasiortunik suluppaakkanik tassanngaanneersunik pisqaqarsimasunut pilersuinissaat ikorsiissuteqarnissaallu inerteqqutaavvoq.

Kapitali 3

Suluppaakkanik ikerinnaasiortunik tulaassiniissamut inerteqquteqarneq

§ 3. Irmungip Imartaaneersunik suluppaakkanik ikerinnaasiortunit taassumalu killeqarfianit pisanik kalaallit umiarsualiviinut tulaassineq inerteqqutaavvoq.

Imm. 2. Aalisariutit Irmungip Imartaaneersunik suluppaakkanik ikerinnaasiortunit taassumalu killeqarfianit pisanik usillit Kalaallit Nunaata umiarsualiviinik atueqqusaanngillat, pilersorneqaaqusaanngillat ikorserneqaaqusaanatillu.

Kapitali 4

Pineqaatissiissutit

§ 4. §§ 1-3, unioqqutinneqarneri Kalaallit Nunaanni Pinerluttulerinermut inatsimmi maleruagassat naapertorlugit akiliisussanngortitsinermik arsaarinninnermillu kinguneqarsinnaapput.

Imm. 2. Ingerlatseqatigiiffit il.il. (inatsisitigut akisussaaffimmik tigummiartut) Pinerluttulerinermi inatsimmi kapitali 5-imi malittarisassat malillugit pinerluuteqarsimasutut akisussaatinneqarsinnaapput.

Imm. 3. Akiliisitsissutit Nunatta Karsianut tutsinneqassapput.

Kapitali 5

Atortuulersitsineq

§ 5. Nalunaarut manna nalunaaruteqarnikkut atuutsilersinneqarpoq.

Namminersorlutik Oqartussat, ulloq 25. juuni 2024

Kim Kielsen (atsior.)

Aalisarnermut Piniarnermullu Naalakkersuisoq

/ Emanuel Rosing (atsior.)

Namminersorlutik Oqartussat

Imaneq 4

3900 Nuuk

E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviit

Naalakkersuisut

